


紫珍集濟世良方

二




喉癰圖



此症生于雄尾之中初起如梅核在喉膈之間乃七情所致也
用刀刺破吹冰硼散服雄黃化毒丸並四七湯

喉癰生于雄尾中初如梅核在喉嚨吐之不出咽不下病起
緣由怒氣宗刺破吹上冰硼散雄黃化毒有奇功再服四七
湯為妙須教患者病無踪

氣子圖



此疔因氣鬱及風熱而起喉間形如赤珠或紫或白犯之即痛受氣即舉日久則噎氣治者挑破去血吹秘服清氣利咽湯水火盛咽痛色紫加片苓黃連去半夏生薑如虛火不甚紅勞力即痛加元參生地芩歸知柏

氣子如珠因鬱氣或紅或紫在喉中勞心努力皆能舉日久年深氣欠通治者用刀先刺破還將秘藥上收功清氣利膈

誠妙劑能令病者喜相逢

廣子化氣回胃厚皮功施藥五知中使心發

明麻味五參生此書款味酥

火海即麻香味五參黃龜去半頁生髮以血火不事

受厚明翠日八頂趨厚前皆將取去血如絲服前厚


以承回厚舊又風熱而達和同保以衣報後藥後由味

圖

七



喉 毬 圖




此症因外感六氣、內傷七情而起。咽喉之內，生肉毬，水元眼核，大有根，如線五寸餘長，吐毬出，方可飲食。以手輕捻，痛徹至心，服益氣疎風湯，用真射干二錢，作二次水和服，或射香散亦可。服三者，根化而愈。

喉毬生水元眼核，內線相連，妨飲食，七情六氣致根。由手扯肉毬，心痛徹，益氣疎風除病根，射干散服，奇功絕。



[illegible]

風熱喉丹圖



此症風熱勞思太過或針風言語風入肺經作痰而起其色鮮紅久而赤紫治者以多去痰為要吹秘刺破去血火自瀉矣服粘子解毒湯去熱涼血紫色轉紅漸愈

風熱喉丹勞思起邪風入肺致痰生喉內鮮紅多腫閉探痰吹秘用刀針粘子解毒湯宜治涼血祛風藥用神

走馬牙疳圖




此症食炙博醇酒肥甘以致陽明胃經火動而生濕熱故發牙
齦作爛頃刻腐黑洛開其患迅速故名走馬甚者牙齦脫落根
柯汚黑不數日以致穿腮破唇沿及滿口走入喉中誠為不治
治者針少商穴以定死生先用午后年干泡汁拭淨吹本秘如
鼻爛加水射時含水藥拔毒爛處用糸附炒黃為末搽併吹本
秘服三黃湯次服粘子解毒湯如乍爛則服土茯苓末藥五劑

小兒生此服芦薈消疳飲吹秘或人中白散若水礪散亦可若
牙齦尖穿出刺唇作痛挑破取去吹藥允治此必取去黑腐見
紅肉血流為吉聲啞干燥黑腐不脫牙落無血穿腮破唇身熱
不退漸入喉中俱為不治

走馬牙疳打馬迅肥甘炙博起陽明牙齦黑爛多脫落頃刻
沿閉鼻穢深午后年干頻拭淨秘加水射或水礪三黃粘子
消疳飲何必他方把藥尋

牙癰圖




此症胃火上冲、發于牙齦生毒、如豆大、或如指大、紫色、腫硬疼
痛難忍、治者吹本、下刀、次吹秘、頭痛惡寒、用荊防收毒散、加升
麻葛根解表、後清胃湯降胃火而愈、治法將針柄捺軟處是頭、
方可下針去膿血、

牙癰之症、起牙齦、生如豆大、腫多疼、發熱憎寒、頭腦痛、荊防
升葛表神通、吹秘癰頭、輕刺破、清胃湯宜在後吞、

清血散



牙疔圖



此症食臭毒自死禽獸或炙博厚味或惡氣觸于陽明胃經而生牙縫中牙根上甚者牙根頂起牙來痛連腮項破則流血治者吹本用口去血吹秘如疔長久以鈎割去吹均秘服三黃涼膈化之千金內托之時吹秘口含水葯

按此症發熱惡寒頭疼身強其症在表宜用荊防敗毒散口渴煩燥其症在裏服三黃湯涼膈加大黃




牙疔惡穢觸陽明、縫中高突若疔形、腫連腮、生寒熱、破流
 紫血具多疼、吹本用刀平割去、均祕時吹效更靈、三黃涼腸
 多宜服、還將水葯口中噙、

此為食臭自天齋瘴疫多熱氣和痰毒腐爛下咽即覺熱而



牙宣圖



此症陽明胃經之火上攻而宣露牙縫出血不止上屬脾下屬胃吐痰血互升斗者難生急速治遲則不救治者水葯漱淨吹秘塞棟裘丹服清胃散犀角地黄湯止血回生湯甘露飲或胃中虛吹動而牙根腐爛痰血常流不止不可用上葯宜服蘆薈飲吹人中散

牙宣胃火起陽明縫中出血不停留急用瑤池噲漱淨棟裘

丹塞立通神、犀角地黃清胃散、回生甘露選中評、胃中虛火、
牙齦爛、蘆薈丸吞極有靈、

回生湯

生荷葉 生艾葉 生栢葉 生地黃 各三錢 水煎入童便
一杯 食後服



重舌癰圖



此症因火熱旺動、或受鬱怒酒色而生、大舌先捲、根下另生小舌、形紅肉嫩、名曰重舌、治者吹追風于大舌上、吹本于大舌下、大舌治軟、又吹本于大舌兩邊根下、一邊用針去血、次針小舌兩邊、中不可針、數以本秘、吹之即愈、初起者、服三黃瀉心湯、瀉洲李士湯、涼膈散、俱可擇用、將成膿、只用千金內托之、待膿一熟、挑放、搽追風、吹本秘、